



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Quintessence L. fresh.

Proprietary rights
of my mother-in-law:

Lan

1202

2332

Թուրքիայի օրհարգանք յՅԳ.

Տ Փ Խ Ի Ս Ո Ւ Ի

“ԹԱՆԴՈՅԵԱՆ,,

ԴՊՐՈՑԻ ՀԱՅ ՕՐԻՈՐԴՆԵՐԻՆ ԸՆԾԱՅ:

Փ ա խ ո ո ղ ի - ը ի - ն

Ն. Բ. Ղ.



Տփիս

Դ ՏՊԱՐԱՆԻ Ա. ՄԷԼԻՔ-ՇԱՀՆԱԶԱՐԵԱՆՑ

1881 թ.

Дозволено Цензурою. Тифлисъ, 13 Марта 1881 года.

Типографія А. О. МЕЛИЕВЪ-ШАХНАЗАРЬЯНЦА, на Мих.
мосту, въ д. Мирзоева.



4 2332-99

ԽՕՍԱԿՑՈՒԹԻՒՆ ԱՇԱԿԵՐՏՈՒՀԵԱՑ

ՄԷՁ :

I.

Փաստնչէ՛. — Դուք գիտէ՛ք, սիրելի թոյրեր, որ այսօր տօն է. և վարժապետները չեն գայ ուսումնարան. վարժուհին ևս երեկոյեան պատուիրեց, որ այսօրը անօգուտ չանցկացնենք մեր տներումը, այլ դասատանը հաւաքուենք, դիր կարդանք, իրարու բան հարցնենք և զեղեցիկ խօսակցութիւնով տօնը պսակենք:

Երանեալի. — Բայց ի՞նչ գիտենք, որ ի՞նչ խօսինք, աւելի լաւ է որ սպասենք մինչև վարժուհին գայ, մէկ բան պատմէ, և մենք էլ լսենք:

Նաղէնչի. — Օհ, Երանեալ, դու միշտ պէտք է լաց լինիս, ամենից շատ դու ես կարդում, ամենից լաւ դու ես պատմում և դարձեալ զանգատվում ես, որ իբր թէ ոչինչ չ'գիտես: Ի հարկէ, ինչ որ գիտենք նորա վերայ խօսինք, Փիլիսոփայութիւն չք պէտք է խօսինք որ այդչափ դժուարացնում ես:

Ոչինչ էլ որ չգիտենանք, մի՞թէ չենք կարող նրստել Եղեշէի պատմութիւնը կարդալ և իրարու պատմել, որ խիստ լաւ յարմար է, որովհետեւ այսօր վարդանանց տօնն է:

Երանանք.— (Դէպի վարդանի պատկերը նայելով, որ դասատան պատի վերայ կախուած էր.) վարդան ասացիր, ու մէկ բան միտքս եկաւ, որ շատ անգամ կամեցել եմ հարցնել, բայց չեմ վստահացել:— Ինչո՞ւ վարդանի պատկերի մօտ իւր առաքինի ամուսնոյ կամ մէկ ուրիշ նախնի Հայ կրնո՞ջ պատկեր չկայ, որ իմանայինք թէ այն ժամանակի Հայ կանայք ինչ կերպարանք ունէին և ինչպէս էին հագնուում: Ահա վարդանին նայում ենք, որ քաջ զիւցազուններէց մէկն է.— (ամենքն էլ նայում են վարդանի պատկերին.) փետրագարդ սաղաւարդը զլխին, սրղովատիկ սուրը մէջքին և նախարարանշան դաստակալը ձեռքին: Վառվռուն աչքերն և վսեմախոհ դէմքն ևս ցոյց են տալիս, որ մտածելումը մեծ իմաստ է և գործելու մէջ եռանդոտ: Մեր գպրոցը օրիորդաց ուսումնարան է, և ահա մէկ զիւցազնի պատկեր է կախուած, բայց ի՞նչքան աւելի ուրախալի կ'լինէր մեզ համար նոյնպէս, եթէ մէկ Հայ զիւցազնուհոյ կամ մի զաւակասէր մօր պատկերն էլ կախուած լինէր այնտեղ, որ ամենայն օր նայէինք նորան էլ ինչպէս

վարդանին: Ճշմարիտն ասած, ես վարդանին շատ եմ սիրում և նորա անմահ յիշատակը բոլոր օրրտովս պատվում եմ, բայց զիտէք, որ ես աղջիկ եմ, վարդան չեմ կարող լինել, բայց եթէ հայուհոյ բուն հայկական ձեն ու հագուստը տեսել էի, կուզէի որ նորան նմանէի: Շատ անգամ մտածում եմ և չեմ կարողացել ձիշդ պատկերացնել մտքիս մէջ թէ ի՞նչ է Հայ կինը:

Հայնոջ.— Տեսաք ահա թէ ինչպէս խօսքը խօսք է բերում: Սորանից աւելի էլ ի՞նչ լաւ խօսակցութիւն կուզէք: Շողակաթը մտածել է Հայ կնոջ մասին և իւր փափակին չի կարողացել բաւականութիւն տալ: Արդեօք չենք կարող մենք այս բանի վերայ խօսիլ, որ կարելի է օգուտ քաղել:

Աշխէն.— Կարող ենք խօսել, բայց պարսպ խօսելուց ի՞նչ օգուտ, քանի որ այդ մասին օրինաւոր բան չգիտենք: Ես դարձեալ կասեմ, աւելի լաւ է որ ամենքս մեր գրքերը վեր առնենք, հանգիստ նստենք և կարդանք, քանիթէ շատախօսութիւն անենք, որի համար վարժուհին էլ զուցէ զայ անսնէ և բարկանայ:

Աստուած.— Աստուած օրես Աշխէն, այդ սուտ համեստութիւնդ թող. և մեր խօսակցութեանը արգելք մի՛ լինիր: Վարժուհին օրինաւոր բանի համար ինչո՞ւ պիտի նեղանայ: Զէ՞ որ նորա նեղու-

Թիւնը և զգուշութիւնը դատարկ և անօգուտ խօսքերի համար է: Նթէ հիմնկուանից գեղեցիկ մը տածմունքների և խօսակցութիւնների չ'վարժուինք, չէ որ վերջը մենք էլ այն կանանց նման կ'լինինք, որոնք բամբասանքից աւելի ուրիշ բան չ'գիտեն, և շատ անգամ էլ պարապութիւնից անմեզ տեղը սորա և նորա վերայ մուր կ'քսեն: Նթէ մենք նորանց նման լինինք, ո՞ւր կ'մնայ ապա մեր ուսմունքը, մեր վերայ եղած խնամքը և յոյսը: Խօսքը լաւ բաների վերայ է բացուած, թող մտածենք ինչքան կարող ենք թէ ինչ է Հայ կինը:

Ստեփաննի.— Ահա քեզ նոր փիլիսոփայութիւն: Հայ կինը ի՞նչ պիտի լինի: Հայ կինը Նոյի ժամանակից մինչև հիմայ Հայ կին է, նոր արարած չէ, որ նորա ինչ լինելը նորից քննենք և իմանանք:

Վարդուհի.— Սաթիինին էլ Աշխէնի գաղափարն ունի, և աւելի կատակելու փափագ ունի, քան թէ մտածելու և խօսելու, Սաթիինիկի համար էլ Հայ կնոջ վերայ խօսելը արժէք չունի: Այդպէս են արեւ որ Հայոց ազգի պատմութեան մէջ շատ թէ քիչ Հայ մարդու անուն կայ, բայց Հայ կնոջ անունը շատ սակաւ կայ: Այդպէս են արեւ, որ այսօր էլ Հայ կանայք իրանք էլ չ'գիտեն թէ ի՞նչ են, վասն զի ամեն երկրումը իրանց սեպհականութիւնը կորցրած ուրիշ ազգերի կանանց են հետևել:

Նորարդ.— Երանի թէ լաւ բաների էին հետևել: Գժբաղդաբար, ինչ որ հին ազգերից առած են հերթը չէ, այսօր էլ լուսաւորեալ ազգերի կրթութիւնը թողած՝ պճնասիրութեանը, շայտութեանը և ուրիշ պակասութիւններին են հետևում մեզանից շատերը: Ինչ խղճալի բան, կարծես թէ Եւրոպացոց լուսաւորութիւնը մինչև մեզ հասնելը կ'հանգչի և միայն ծուխը կ'մնայ մեզ:

Շողիկոս.— Հայ կանանց նկատմամբ ասածը շատ ճշմարիտ է, թէպէտ ես շատ զբքեր չեմ կարդացել, բայց հօրիցս լսել եմ, որ լուսաւոր ազգերի մէջ կանանցից հեղինակներ կան, զաւակներ դաստիարակող մայրեր կան, մանաւանդ Ամերիկայի կանանց և աղջկանց մասին լսել եմ, որ ոչ թէ միայն աղջկանց, այլ և տղայոց դպրոցների և համալսարանների մէջ անգամ դաստիարակները կանայք են: Գիտե՞ք ինչու համար որովհետև կին դաստիարակները աւելի փափկասիրտ, համբերող և զգայուն են, և բան պատմելու ժամանակ աւելի յաջողակ են: Այժմ ձեզ եմ հարցնում, Հայ կանայքը այս գեղեցիկ յատկութիւններն ցանկանում են արդե՞օք ստանալու: Թողնենք դպրոցների ուսուցչութիւնը, գոնեա աշխատում են արդե՞օք ընտանեաց մէջ իւրեանց զաւակները կրթելու չափ դաստիարակութիւն ստանալու: Ասացէ՛ք, խնդրեմ, կան

արդեօք այնպիսիք:

Փաստնէն.— Ոչ մէկը չ'կայ, այլ միայն նոսրասիրութիւն և աչքի խաբելու զուբս: Երանի թէ իրանց ունեցած քիչ թէ շատ շնորհքն էլ չէին կորցրել: Ասում են թէ մի քանի քաղաքներում այնպիսի Հայեր կան, որ Հայերէն անգամ խօսել չ'գիտեն, բայց նորանցից շատերն էլ փողեր չեն խնայում ուրիշ լեզուներ սորվեցնելու համար: Այնպիսիներն էլ կան, ուտելու հաց չունին, բայց ստիպուած են շատ անգամ քաղցած մնալ և իրանց կանանց և աղջկերանց նորասիրութեան ամեն հաճոյքը կատարել և նորանոր զարդերով զուքել: Բայց ի՞նչ օգուտ, Սիրամարգն էլ գեղեցիկ փետուրներ ունի, սակայն ոտները ածուխի պէս սև են: Այսպէս էլ անկիրթ և պճնասէր կիներ և աղջկեր: Ինչ որ անեն դարձեալ իւրեանց անկիրթութիւնը կամ տգեղութիւնը կ'երեւայ: Մանաւանդ որքան ամօթ բան է երբ որ կիներ իւր ամուսնոյ և աղջկեր իւր ծնողաց կարողութիւնից բարձր է զարդարուած: Ո՛հ, որքան խղճալի բան է, երբ որ կիներ իւր արժանաւորութիւնը զարդարանքի մէջն է փնտռում:

Մտաբան.— Աւելի լաւ է ասել, այդ ամեն պակասութիւնները չափազանց տգիտութեան հետեանքն է: Այն կիներ, որ իւր զաւակաց դաստիա-

րակութիւնը թողած, և զարդերու վրայ է մտածում տգէտ է: Այն կիներ, որ հանրասիրութիւնով իւր ամուսնոյ սիրտը կ'դառնացնէ տգէտ է: Այն օրիորդը, որ իւր արտաքին ձևերով կուզէ ամուսնանալ և ոչ թէ իմաստութիւնով և վայելուչ վարմունքով, տգէտ է: Այն կիներ, որ մտածել և դատել չ'գիտէ, այլ միայն խելքը աչքերու մէջն է տգէտ է: Ո՞ր մէկն համարեմ, ընտանեկան խռովութիւն, ամուսնական սառնութիւն, զաւակաց անխնամութիւն և ամեն տեսակ պակասութիւնը բոլորն էլ տգիտութեան հետեանքներ են: Քանի որ լորն էլ տգիտութեան հետեանքներ են: Քանի որ կանայք և աղջկիները մտածելու և լաւ ու վատը որոշելու չեն վարժած. զարմանալի բան չէ ուրեմն, որ շատերի մէջ ոչ թէ լուսաւորեալ կանանց առաքինութիւնները կ'մտնեն այլ մոլութիւնները: Երանի թէ Հայ կանայքը, նորասէր լինելու տեղ մաքրասէր լինէին, թէ ընտանեկան կեանքի մէջ և թէ հազուստի: Պարզ հազնել և պարզ ապրել սիրել և երկուսի մէջն էլ մաքրութիւն էին պահպանել: Ես այնպէս զիտեմ որ, մաքրասիրութիւնը ամեն բանից թանկ արժէ:

Ստիչի.— Նայէ, նայէ, Երանեակ, թէ որտեղից սկսեցին և ո՞ւր եկան, իբր թէ պիտի բացարկէին թէ ի՞նչ է Հայ կիներ: Հիմայ ակսել են զիտութեան և մաքրութեան վրայ խօսել, սոցա եթէ

Թողնեա, մինչև երեկոյ չեն վերջացնի, սոցա խօսածն էլ մէկ նոր ձևի քարոզութիւն է, չայ կինք բնաբան դնել և ուրիշ բաների վրայ խօսիլ: Ի հարկէ անձնապատաները այսպէս են լինում: Աւելի լաւ չէր լինի առաջուց խօստովանվել էին, որ չայ կնոջ վերայ խօսելը իրանց խելքի բան չէ:

Երանէ. — Երեցէք, Սաթենիկ, լաւ քարոզելներն էլ շատ քարոզելով են գեղեցիկ խօսակցութեան վարժվում: Ամեն բանը աշխատութիւնով և փորձով կ'լինի: Երևելի մարդիկ և կանայք իւրեանց մօրից ուսումնական չեն ծնուել: Այսօր այսպէս կը խօսենք, վաղը ուրիշ տեսակ, եթէ շարունակենք, կարելի է յետոյ աւելի կարգով և գեղեցիկ խօսենք:

Երանէ. — Սոքա մտքումը դրել են, որ ամեն օր շատախօսութիւն անեն: Գեռ ուսում չառած վարդապետ են դարձել: Ահա քեզ թեթեամտութիւն. բարով վայելէք ձեր նոր աստիճանները: Բան չունիք որքան կամենաք խօսեցէք: Բայց իմացէք որ չայ կնոջ վերայ պիտի խօսէիք և հիմայ խօսքը գտնելու համար սար ու ձոր էք ընկել: Չայաստանից Ամերիկայ հասաք: Զգոյշ կացէք, որ ծովերի մէջ չ'ընկղվիք: Բայց ի՞նչ, ձեր ճանապարհորդութիւնն էլ մի նոր օրինակ է, հեռագրիցն էլ շուտ է հասնում, որովհետև խօսքով, կամ աւելի լաւ

է ասել, մէկ օդային ճանապարհորդութիւն է: Ինչ երկիր կամենաք թափառեցէք, նոցա կանանց էլ լիշեցէք եթէ բան չունիք, սակայն իմացէք, որ չայ կնոջ վերայ խօսելուց հեռացաք, վասն զի այս մասին օրինաւոր խօսելն ձեր խելքի բան չէ:

Փաստնչի. — Շատ խստութիւնով ես դատում մեզ. Երանեակ, և կամենում ես որ մեզ էլ բարկացնես, որ կամ ամենեւին չ'խօսինք, իսկ եթէ խօսինք, ուրեմն օրինաւոր խօսակցութիւն լինի: Բայց մենք չենք նեղանալ պատճառն որ, գուցէ մեր խօսքերն չ'կատարուին, սակայն մեր փափագը բարի է: Ուրեմն մեր խօսակցութիւնն էլ պէտք է շարունակենք, վասն զի համոզուած ենք, որ եթէ օրուա չ'քաղինք, մնաս էլ չենք ստանայ:

Սաթենիկ. — Ժամանակը որ կորչումէ, մի՞թէ ձեզ համար ժամանակը զին չունի: Գիտէք ժամանակը ոսկի է, չէք իմացել:

Վարդուհի. — Կարծես թէ ժամերդ և վայրկեաներդ բոլորը հաշուած և նորա համեմատ ես աշխատում: Իբր թէ չենք տեսել, որ շատ անգամ գրքիդ նայել ես բայց միտքդ ուրիշ տեղ է եղել: Իբր թէ չենք տեսած, որ շատ անգամ սուտ պարկիշտ ձեանալով երկար ժամանակ լուռ ես մնում, բայց հազարից մի անգամ բերանդ բաց ես անում, բոլոր ընկերներիդ սրտերը վերաւորում ես: Իբր թէ

օրինաւոր խօսակցութիւնը ժամանակի կորուստ է
 և ժամանակի գիւտը միայն գրքին նայելն է, ոչ
 թէ կարգալու համար, այլ ուրիշները խաբելու:
 Աստուած սիրես, մի խափանիր, թող խօսի փառան-
 ձեմը և մենք էլ լսենք:

Երդայն. — Այո, կ'լսենք փառանձեմ, խօսիր
 Հայ կանանց վերայ: Բայց չ'զիտեմ հին ժամանա-
 կի, թէ այժմեան Հայ կանանց վերայ պիտի խօսես,
 որովհետեւ, ես կարծում եմ, որ երկուսի մէջ
 մեծ տարբերութիւն կայ:

Փաստնէ՛մ. — Այժմեան Հայ կանանց վերայ
 ի՞նչ պիտի խօսիմ, և մանաւանդ ի՞նչպէս կարող
 եմ խօսիլ, երբ մեր խեղճ ազգը զանազան երկիր-
 ներումը և ազգերի մէջ ցրուած լինելով՝ կանայք
 միայն հայութեան անուն են կրում: Վեզուն օտա-
 րի, հազուստն օտարի, սովորութիւնն օտարի, մի-
 անգամայն ամենն էլ օտարի : Այսօր էլ,
 եթէ ամեն երկրից մէկ մէկ Հայ կանայք հաւաքես,
 պարզ կ'տեսնես, որ ամենքն էլ միմիանցից մեծ
 տարբերութիւն ունեն: Բարեմն թողնենք այժմեան
 կանանց և հիների վերայ խօսենք: Սրդարեւ, թէ-
 պէտ հնութիւնը դարերով հեռու է մեզանից և
 ներկայն աւելի մօտ, բայց Հայի հնութեան մէջ
 քաղցրութիւն աւելի է քան թէ ներկայի մէջ:

Նախնի. — Բայց հնութեան վերայ ի՞նչ պի-

տի խօսիս: Մեր ազգի չորս հազար տարուան պատ-
 մութիւնը եթէ քննես, հազիւ թէ քառասուն Հայ
 կնոջ անուն զանես, և այն էլ կամ թագուհի են
 կամ Մարտիրոսահի: Նորանցով ի՞նչ կարելի է խ-
 մանալ, թէ հին Հայ կանայքը ի՞նչպիսի էին և
 ի՞նչ տեսակ, նոյնպէս և հասարակ կարգի կանանց
 կենցաղավարութիւնը և կրթութիւնը:

Երդայն. — Իրաւունք ունիս ասելու Նազենիկ,
 հնութեան մէջ կանանց վերայ շատ չէ խօսուած,
 և թէ պատմութեան մէջ մի քանի տեղ կանանց
 յիշում են, այն էլ քրիստոնէութիւնից յետոյ է:
 Որովհետեւ ես լսած եմ, որ հեթանոսութեան ժա-
 մանակ կինը մի անպատիւ և սարուկ է համարուած
 եղել, ինչպէս այժմ շատ տեղ միայն թէ քրիստո-
 նէութիւնը միայն կանանց արժանաւորութիւնը
 հաստատեց: Մարդկութիւնը միայն այն ժամանակը
 կ'հասնի կատարելութեան, երբ ոչ թէ միայն տը-
 ղամարդիկ, այլ և կանայք ճշմարիտ քրիստոնէա-
 կան լուսով զաստիարակուած կ'լինին: Նորա հա-
 մար որ, կանայքը մարդկութեան կէսն են, և ան-
 կարելի է որ մէկ կէտը առաջանայ քանի որ միւս
 կէտը տգիտութեան մէջն է: Փառանձեմն էլ եթէ
 խօսի, ես այնպէս եմ, կարծում, որ քրիստոնէու-
 թեան ժամանակուայ Հայ կանանց վերայ պիտի
 խօսի:

Մտնելի.— Քրիստոնէութեան ժամանակից սկսեալ բանի շայ կանանց անուներ կարող ես տալ:

Փոքունչեմ.— Շատ անունների տալու կարօտութիւն չունինք, բաւական է միայն որ նոցա գործքերը յիշենք: Նորա համար որ, մեզ համար գործքը անունից աւելի է հարկաւոր:

Երանեալ.— (Ստեփենիկին նայելով) անպատճառ եղիշէի պատմութիւնից խօսելու է բան: Քանի որ է, որ եղիշէի գիրքը ձեռքին կարդում է: Հայ եթէ օրինաւոր բան գտած լինի շայ կնոջ համար, ոչինչ չենք կարող ասել: Բայց ես գիտեմ, որ շայ կանանց վերայ խօսելը իւր կարողութիւնից բարձր է:

Փոքունչեմ.— Այո, այո, եղիշէից պիտի պատմեմ և յուսով եմ, որ դուք էլ ձեր հակառակ կախօտութիւնը մի կողմ պիտի դնէք:

Նուէ.— Պատմէ՛, փառանձեմ, հակառակախօտութիւնն էլ շատ անգամ խօսակցութեան մէջ օգտաւէտ է, եթէ բոլորովին կամակորութիւն չէ, մենք այնպէս ենք հասկանում, որ Երանեալի և Ստեփենիկի ասածը աւելի խնդիրը պարզելու համար է: Նոքա էլ կրնդունին ինչ որ բարի և օգտակար է: Նոքա լսել են թէ շատ խօսելը անվայել է օրինորդաց համար, բայց չգիտեն որ անվայելը, վատ խօսակցութիւններն են և սուտ պարկշտութիւնը: Եթէ ամեն խօսակցութիւնը վատ բան լինէր, Ստեփենիկը չէր խօսէր:

տուած լեզու չէր տայ կանանց: Ամեն կին կամ օրիորդ լաւ բան խօսելու համար միշտ ազատ է, և միայն անպարկշտ խօսքեր են, որ կնոջ ամեն շքանորհները կ'ոչնչացնեն: Խօսիր ուրեմն և պատմէ՛, փառանձեմ, մենք պատրաստ ենք ուրախութեամբ լսելու:

Փոքունչեմ.— (Եղիշէի պատմութիւնը վեր է առնում, որ տեղ նշաններ էր դրել մանաւանդ այնտեղ, ուր յատկապէս շայ կանանց վերայ է խօսում): Այս գեղեցիկ պատմութիւնը ես չպիտի բառ առ բառ կարդամ, այլ պիտի իմաստներ պատմեմ աշխարհաբար և պարունակուած օգտակար հետևութիւններն էլ յայտնեմ:

Շոյախմե.— Շուտ արա՛, Աստուած սիրես սիրտս թռթռում է, կ'ուզեմ շուտով իմանալ թէ ի՞նչ պիտի ասես շայ կանանց վերայ:

Նուար.— Ամենքս էլ լսենք, ինչ որ կ'պատմէ բոլորն էլ լաւ բաներ կ'լինին:

Փոքունչեմ.— (Պարզ ձայնով և ծանր կերպով) Երբ Պարսիկները տարիներով աւերեցին Հայաստանը և շատ նախարարազուն և գիւցազուն մարդիկ գերի տարան Պարսկաստան՝ շայ կանայքը ամենեկին չ'յուսահատուեցան և չ'թուլացան, այլ մոռացան իրանց կանացի տկարութիւնը տղամարդկանց պէս արիացան հաւատոյ պաշտպանութեան պատերազմի:


մէջ, ամեն մոլութեանց յաղթեցին, և Աստուածային սիրով վատուած աղօթքով երկնքի դռները բաց արին: Ուրեմն, աստուած պաշտութիւնը և բարեպաշտութիւնը կանանց առաջին պարտքն է: Ամենքը, — Այո՛, այո: Փառանձեմը (շարունակում է.) Հայ կանայքը Սուրբ զիրք էին կարդում, իւրեանց զաւակները բարեպաշտութեան մէջ էին կրթում, և ամեն նեղութիւնները աստուածային սիրով էին քաղցրացնում: Ուրեմն զաւակները մանուկ հասակից բարեպաշտութեան մէջ դաստիարակելը, մայրենի լեզուն սորվեցնելը, նոցա սրտին մէջ աստուածասիրութեան և մարդասիրութեան զգացմունքները զարթացնելը՝ կանանց երրորդ պարտքն է: Ամենքը, — Այո՛, այո: Փառանձեմը, (շարունակում է.) Հայ կանայքը իւրեանց մատներով աշխատում ու կերակրվում էին, իւրեանց չափաւոր և պարզ կեանքով ընտանեկան կենցաղավարութիւնը քաղցրացնում էին և իւրեանց բանտարկուած ամուսինների համար իւրեանց ոռձիկները ուղարկում էին: Ուրեմն չափաւորութիւնը ընտանեկան կեանքի հաստատուն հարստութիւն է, անարարութիւնը և ձեռագործութիւնը՝ կանանց չորրորդ պարտքն է: Ուրեմն տան հարստութիւնը կիսն է, տան թաղուհին կիսն է և օրինաւոր ընտանիքը մի փոքրիկ թագաւորութիւն է: Ամենքը, — Այո՛, այո:

2332-92

Երեսուցի. — Գուցէ այդ պատճառաւ է որ սուրբ և կեղեցին էլ պսակի ժամանակ նորափեսային՝ թագաւոր է անուանում, իսկ Նորահարսին թագուհի: Փառանջեմը. — (շարունակում է) Հայ կանայքը չ'յիշեցին իւրեանց առաջին վայելչութիւնները, փափկութիւնը և ստացուածքը, նախարարների կանայքն անգամ ուրախութիւնով սկսեցին հասարակ կեանք վարել: Ուրեմն, կիսը պիտի իշխէ փափկանքը, սիրութեանը և վայլչասիրութեանը, պէտք չէ որ անձնատուր լինի անցողական բաների, այլ պիտի այնպիսի կրթուած սիրտ, միտք և կամք ունենայ, որ իւր ամուսնոյ, իւր որդոյ, իւր ազգի և մանաւոր իւր ամուսնոյ, իւր որդոյ, իւր ազգի և մանաւոր իւր ամուսնոյ սիրոյ համար կարողանայ հարկ եղած ժամանակը ամեն բան ուրախութիւնով թողնել: Ամենքը, — Այո՛, այո: Փառանջեմը (շարունակում է) Հայ կանայքը իւրեանց պարզ և առաքինի կեանքով քաղցրացին իւրեանց կապուած և վշտացած ամուսիններին նեղութիւնների մէջ մխիթարեցին նորանց սրտերը, և անարատ պահպանեցին Հայ գերդաստանի և Հայրենեաց անուներ: Ուրեմն, կիսը մարդու մխիթարութիւնն է, գերդաստանի սիւնը և Հայրենեաց հաստատութիւնը: Բայց այս արժանաւորութեանը արմատն էլ բարի դաստիարակութեան մէջն է: Ինչ տեղ բարի դաստիարակութիւն չ'կայ՝ այնտեղ կնոջ արժանաւորութիւնը չ'կայ:



Թիւնը մեռած է, և ուր մեռած է այս արժանա-
ւորութիւնը, իմացէք, որ մեռած է ամենայն ինչ:
Նորա համար որ, միակ աղգի կենդանութիւնը ա-
ռաքինի կանայք կամ մայրերն են: Ամենքը, — Այո՛,
այո՛: Աւրեմն, առաքինի կանայքն և մայրերը կա-
րող են միայն լինիլ Հայութեան կենդանու-
թիւնը:



II.

Աբեղակի, — Տեսէք տեսէք, (ամենքը ցոյց տու-
ած կողմն են նայում), ձեռագործ վաճառող Սար-
գարիար գալես է, ինչպիսի պարզ հազուստ, ի՛նչ
ուրախ դէմք:

Սարգարիար, — Բարև ձեզ օրիորդներ:

Ասողիչ, — Բարև եկաք, այդ իրեղէնները գու-
նս գործել:

Սարգարիար, — Այո՛, սոցանից աւելի գեղեցիկ-
ները տանն ունիմ:

Թագուակի, — Երանի քո համբերութեանդ, ևս
շարունակ կէս ժամ չեմ կարող նստել և աշխա-
տել: Ծնողներս էլ բնութիւնս զխտենալով ամե-
նեւին չեն աշխատեցնում ինձ, հազուստներս էլ
կամ կարած են գնում, կամ ուրիշն են կարել
տալի:

Վարդանայ, — Իսկ ես, եթէ փոքր ինչ աշ-
խատեմ, հոգիս բերնիս կ'մօտենայ: Անցած օրը մեր
սպասուհին իւր ծնօղաց տեսութեան էր գնացել,
մինչև սենեակները մաքրեցի, հազար անգամ սպա-

տուհուն անիծեցի, որ տան սպասաւորութիւնը քիչ
ժամանակ իմ վերայ թողց:

Երշմիկ.— Փառք քեզ Աստուած, ես, ամեն
որ աշխատում եմ, տան ամեն բանը շինում եմ,
մաքրութիւն, լուացք, կար ու ձև, կերակուր և
այլն. այս ամեն բաները ես եմ կատարում, բայց
ես, ոչ նեղանում եմ և ոչ զանգատվում: Բացի
դորանից ուրիշների համար էլ կար եմ անում:
Իսկ Թագուհին և Հայկանուշն իւրեանց հազուստներն
անգամ պատրաստի են հաղնում, և տան մէջ
թեթեւ սպասաւորութիւններն էլ դժուար է թվում:

Թագուհի.— Ծնողներդ հարստութիւն չեն թո-
ղել, եղբայրներդ էլ այնքան կարողութիւն չունին
որ սպասուհի վարձեն, 'ի հարկէ ամեն բանը դու
պիտի անես: Ուրեմն, դորան յօժարութիւն չեն ա-
սի, այլ անձարութիւն, ինչպէս առածն է ասում
թէ «Անձարն է կերել բանջարը»:

Երշմիկ. Թագուհի, հաւատացիր որ իմ
աշխատութիւնս յօժար կամօք է և ոչ անձարու-
թիւնով, իմ մօրս պատուէրը միշտ այս էր, թէ
ամենից մեծ և անկորուստ հարստութիւնը «Աշխա-
տութիւն և ճշմարտութիւն է.» ինչպէս որ կնոջ
կամ աղջկայ փառքն ու պատիւն է տանտիկնու-
թիւն: Նիւթակտն հարստութիւնը շատ անգամ
մէկ վայրկեանի մէջ ոչնչանում են, բայց աշխա-

տանքը հաստատուն հարստութիւն է և աշխատա-
սէրները երբէք անօթի և ոչինչ բանի կարօտ չեն
մնայ: Ես մինչև մահս չեմ մուսնալ իմ ծնողաց
պատուէրը, որ մանկութիւնից սկսեալ աշխատանքին
և անտեսութեան մէջ վարժեցրին ինձ: Ուրեմն կա-
րող եմ ասել, որ արածս ճարահարստութիւնից չէ
այլ սովորութիւնիցն է: Ինչպէս որ քեզ համար
աշխատութիւնը ձանձրալի է, նոյնպէս էլ ինձ հա-
մար պարպութիւնը:

Սրբուհի.— Ինձ համար էլ նոյնպէս, թողնենք
այն, որ ուրախութիւնով մօրս օգնում եմ և ա-
մեն բան կատարում եմ, բացի նորանից որ, օրը
մէկ ժամ աւելի նստում եմ և զանազան օգտա-
կար գրքեր եմ կարդում, և շատ անգամ էլ հարս-
նամակները և վաճառականութեան թղթերը մա-
քուր արտազրում եմ, և այս ամեն բանը ինձ
համար մի գեղեցիկ զբօսանք եմ համարում:

Վարդանայ.— Թագուհի, այս խեղճերը գեւ-
աշխարհիս համը և ձաշակը չ'զիտեն, նորա համար
էլ աշխատութիւնը զբօսանք են համարում, քանի
որ մեր զբաղմունքն է ժամերով զբօսները, գոնեա
չաբաթը մի անգամ պարահանդէսների մէջ զբա-
նուել, նորաձև զգեստներից երբէք չ'զրկուել, միան-
գամայն ամեն ուրախութիւնները վայելել:

Թագուհի.— Ուղիղն ասեմ, զբօսանքից զբ-

կուրը ինձ համար մահ է: Մանկութիւնից այսպէս վարժուած եմ, հագնովը, զուգովը, և զուարճանալու...:

Մարգարիտ. — Այո, այդպէս է, քաղաքիս մի քանի օրիորդները և կանայք մէկ մէկ չ'աստուածուհի են դառել և իւրեանց ծնօղները և ամուսինները իւրեանց ստրուկներն են շինել: Բայց ո՞վ զիտէ թէ շատ անգամ հենց իսկ ծնօղներն և ամուսինները չեն պատճառ այս բանին ինչ և իցէ, ես այս տեսակ պատմութիւններ անելու ժամանակ չունիմ, ասացէք, ինչդրեմ օրիորդներ, ձեռագործերս պիտի գնէք թէ ոչ:

Վարդանայ. — Ահա քեզ նոր բան. Մարգարտի հոգսն էլ իւր ձեռագործերն են: Սա էլ կամենում է որ մի քանի դրամ աշխատի, ո՞վ զիտէ, կամ հայրն է անօթի կամ.....

Մարգարիտ. — Օրիորդներ, իմ հայրն ու մայրը անօթի չեն, բայց աշխատանքով դրամ վաստակելն էլ ամօթ բան չէ: Փոխանակ ձեզ նման հօր աշխատանքով հագնովը, աւելի ուրախութիւն է ինձ համար իմ ձեռքի աշխատանքով հոգալ իմ հարկաւորութիւններս, որն որ շատ քաղցր է ինձ համար: Յուսով եմ մինչև անգամ ինձ համար օժիտ ևս (բաժինք) պատրաստել:

Երանի. — Սրբուհի, երանի թէ ձեռքս դրամ

լինէր, առանց խօսելու կ'տայի ինչքան որ կ'պահանջէր ինձանից այս պարզասիրտ աղջկը իւր ձեռագործի համար:

Սրբուհի. — ձեռքիս ասեմ, ես էլ ձեռքիս դրամ չունիմ, ապա թէ ոչ ձեռագործերի գնելուց աւելի իւր սիրտն ու աշխատութիւնը առաւել արժանի են վարձատրութեան:

Թագուհի. — Ի՞նչ շատ զմայլեցաք Մարգարտի վերայ: Ի՞նչ կայ այդքան զարմանալու: Միթէ՞ ձեռագործեր չէք տեսած: Եւրոպայից հազար անգամ աւելի գեղեցիկներ են բերում ծախելու: Քանի՞ հատ կամենաք, կարող եմ ձեզ ցոյց տալ որն որ ծրնօղներս ինձ համար գնել են:

Երանի. — Մենք ձեռագործի վերայ չենք զարմանում, թագուհի, և զիտենք որ Եւրոպայից աւելի գեղեցիկներ է գալիս, բայց մեր սրտի գրաւողն աւելի այս չայ աղջկայ աշխատանքն և պարզասրտութիւնն է: Մենք ուրախանում ենք նորա վերայ, որ մեր աչքով տեսնում ենք, որ Եւրոպացու արածը Ասիացին կարող է շինել եթէ աշխատի: Տեսնում ենք որ աշխատանքը ամեն տեղ իւր արդիւնքն ունի, ամեն բան Եւրոպայից սպասել ամեն բան Եւրոպայից գնել այս էլ մեծ պակասութիւն է և մանաւանդ մեծ յանդիմանութիւն Ասիացւոյ ծու

լուծեան: Մարդիկ և կանայք ամեն երկրումը նոյն են: մէայն աշխատանքն է որ Եւրոպացին Ասիացիներից է որոշում: Միայն ուսումն ու կրթութիւնն է որն որ մէկը գոյում է միւսը պարսաւում է: Աշխատանք, ուսմունք, և ահա ամենքը հաւատար են:

Արդանայ.— Աստուած սիրէք, քարոզ մի՛ կարգաք, ամեն մարդ իւր գործը լաւ է ճանաչում, որքան կամենաք խօսեցէք, ձեր ձեռքը բռնող չկայ, բայց ուրիշների ազատութեան դէմ էլ մի՛ խօսիք:

Սրբուհի.— Կարծում էք որ պարսպ մնալը ազատութիւն է, իսկ աշխատանքի վերայ խօսելը ազատութեան դէմ բամբասանք է: Ի՛նչ ծուռը հասկացողութիւն, որքան թերի դատողութիւն: Ազատը նա է, որ ուրիշի աշխատանքով չի ապրում: Ազատը նա է, որ մօղանների գերի չէ դարձել, ազատը նա է, որ հաստատ կամք ունի բարին ու օգտակարը գործելու չար և փնասակար բաներից հեռանալու, ազատութիւնը մենք այսպէս ենք հասկանում:

Երանի.— Ի՞նչ հարկաւոր է երկար խօսել Սրբուհի, քանի որ ասածներդ միայն դու պիտի հասկանաս: դու կարծում ես որ Քաղուհին ու Հայկանոյը չգիտեն, որ աշխատութիւնը պարսպութիւնից լաւն է: Մէթէ՞ կարծում ես որ պիտի

համոզուին ասածներովդ: Ես չեմ կարծում, նորա համար որ համոզելու համար կամք է հարկաւոր, քանի որ կամք չկայ, հետեւապէս համոզուելն էլ շատ դժուար է: Ուրեմն, խնդրում եմ որ այդ հարցի վերայ խօսելը դադարեցնենք:

Թագուհի.— Ինչո՞ւ թող խօսի:

Հայեանայ.— Այո՛, թող խօսի գուցէ պիտի համոզէ մեզ:

Սրբուհի.— Կամենաք համոզուեցէք, կամենաք մի՛ համոզուիք: Ես իմ կողմից հաստատ համոզուած եմ, որ թէ հարուստ և թէ աղքատ, ամենքն էլ պարտաւոր են աշխատել: Ես համոզուած եմ որ կանանց և օրիորդաց մաքրասիրութիւնը և պարզակեցութիւնը բնտանեկան կեանքի զարգն է: Ես համոզուած եմ, որ տանտիրութիւնը, ասգնկործութիւնը և բարի վարքը իրական սեռի զեղեցիկ պատկն է: Ես ճանաչած եմ վերջապէս, որ օրինաւոր կրթութիւնը համեստ և ամօթխած վարմունքը և աշխատասիրութիւնը աղջկանց ամենամեծ օժիտն է, որով կարող են արժանաւոր մայրեր և տանտիկիներ լինել: Ահա, այս է իմ համոզումը, այս իմ ցանկացածը:

Մարգարիտ. Երևում է, որ դուք ձեռագործերս չ'պիտի գնէք, փնաս չունի, առնողներ շատ կան, Աստուած անպակաս անէ բարեսիրիտ պարոնայք և

տիկնայք: Ուրեմն մնաք բարեաւ: Ամենքը դնաք բարեաւ:

Աստուծոյ: — Երկար ժամանակ է որ կերպարանքըք մի տխուր երևոյթ է ցոյց տալիս որոյ պատճառը չեմ կարողացել զուշակել մինչև հիմայ, իրաւի շատ անգամ ծածուկ հետազօտութիւններ արի, բայց ոչ մի տեղեկութիւն չստացայ. իսկ այսօր համարեալ թէ այստեղ ձեզ հետ առանձին տեսնուելու բաղդ ունեցայ, վստահ եմ, որ ձեր տրամուրթեան պատճառն իմանալու պատիւ կունենամ:

Մարտիրոս: — Այո՛, ինչպէս որ կարծում էք, ուղիղ է, ես ևս զգում եմ որ մտքիս յուզմունքը կերպարանքիս վերայ տրամուրթիւնով և միանգամայն տխրութիւնս մեծ փոփոխութիւն է արած իմ վերայ. սակայն ի՞նչ անեմ որ այս վիճակիս մէջ ինձ մի համակրող ընկեր չունիմ, տրամում եմ, ինձ ցաւակից չունիմ, շփոթվում եմ, ինձ միտթարող չունիմ, շատ անգամ երբ որ, ընկերներիցս իմ ներկայ վիճակիս համար թեթեւութիւն չեմ գտնում յուրահատվում եմ, և առանձին տեղերումը քաշուելով իմ քամբազդութեանս վերայ ողբում եմ: Վերջապէս խօսք չ'երկարացնելու համար, զուք իմ տրամուրթեանս պատճառը հետազօտեցէք, ուստի ահա՛ բայատրեմ ձեզ. ողբում եմ

այն օրը, այն վայրկեանը, որ իմ ականջները զբարոցի ձայնը լսեցին, և իմ թոթով լեզուս վարժատուն բառը արտասանեց:

Աստուծոյ: — Ո՛հ, Որհորդ, այդ գաղափարդ ի՞նչ այլանդակ մտքի արդիւնք է մի՞թէ մարդ կարող է իւր երջանկանալու օրը անիծել կամ իւր բաղդաւորեցնողին անունը արհամարել: Ճշմարիտ որ ես պարմանում եմ:

Մարտիրոս: — Ահա՛, ես փաստերով ապացուցեմ իմ ասածները, բաղդաւորութիւն և քամբազդութիւն, որոնց նշանակութիւնն էլ շփոթուած է մի քանի կարծամիտ մարդկանցից: Բաղդաւորութիւնը որ բարութիւն վայելել է նշանակում, իւր բուն սահմանից հեռանով, իբրև թշուառութիւնից մեր ծնողքը զգուշացնում են նորանից. և անբաղտութիւնը որ ամեն տեսակ լաւութիւնից զրկուել է նշանակում, իբրև թէ երջանկութիւն ստիպում են մեզ ծնողները որ ընդունենք: Ուրեմն, այսքան նեղութիւնները քաշելով չ'տրամե՞մ, չ'տխրե՞մ, չ'ողբամ: Քեզ մի բան հարցնեմ. զու, որ դպրոցումը մտնում և նստում ես, ի՞նչ վայելչութիւն կամ երջանկութիւն ես զգում: Եթէ աշխատութիւնը բաղդաւորութիւն է, մեր տան մէջն եղած խօսակցութիւնները, ընկեր ընկերի հետ արած ուրախացութիւնները և զուարճութիւնները, աւելի երջանկու-

Թիւն կ'համարուին քան թէ կարդալը և գրելը, և ինչ մարդ որ բնականապէս շատ ազնիւ զգայման տէր է, իւր երջանկութիւնը մեռեալ տառերի և գծերու մէջ չի փնտրի, մանաւանդ որ առանց մեր լեզուի նորա չեն էլ կարդացվում:

Աստղի. — Սխալվում էք օրինորդ, գոնեա որ քան ես հասկանում եմ, երջանկութիւնը, ձեզ պիտի բացատրեմ. քո կարծեցած երջանկութիւնը ես տարբարողութիւն եմ հասկանամ, նորա համար որ այն խօսակցութիւնները, ընկեր ընկերի հետ արած զուարճութիւնները, որն որ բաղդաւորութիւն էք համարում, ոչ միայն դատարի բաներ են և մեր մանկական հասակին հետ ոչնչութեան մէջ են գլորվում, այլ նաև շատ անգամ մեր կենաց առաջը թշուառութեան անդունդներ են բացվում, տնդունդներ որոնք յաւիտենական գերեզմաններ են մեզ համար:

Արուսեակ. — Օրինորդներ, որքան որ ձեր խօսակցութիւնը առանձին էր, հանգամանքը այնպէս բերեց որ, ես ևս պիտի մասն ունենամ այդ խօսակցութեան մէջը, ձեր խօսակցութիւնը մարդուս թշուառութեան և երջանկութեան վերայ էր որին մի օրինաւոր որոշումն տալը որքան որ ձեր անչափահաս հասակի կարողութիւնից բարձր է, բայց դարձեալ գովում եմ ձեր սրտի եռանդը վասն զի,

երկուսդ ևս բաղդաւորութիւն էք փնտրում և թշուառութիւնից փախել էք ուզում, ուրեմն դուք ջանկանում էք բարեոյն մօտենալ իսկ չարից փախչել: Բայց այդ մի այնպիսի դժուար խնդիր է որ, ոչ միայն դուք, այլ շատերը կ'դժուարանան այդ խնդիրը օրինաւոր լուծելու: Ուրեմն, լսեցէք, որ քան կարող եմ, կ'բացատրեմ ձեր սրտի ցանկալին: Մենք այս կեանքումը ինչ որ գործում ենք, այն ամենը ընտրութիւն ենք համարում, ըստ որում այն է մեզ հաճելի թվում. բայց մեզ միշտ մեծամեծ փորձանքներ են հանդիպում մեր կենաց մէջ անփախչելի որոգայթների մէջ զցելու. ամեն կողմից հակառակ դիսուրածները մեր հոգւոյ բարեմասնութեան կարգերը շփոթում են այն բարեմասնութիւնները, որոնցով երջանկութեան յոյս ունինք: Բայց Աստուած որ 'ի սկզբանէ մարդասէր է, ուստի միշտ մարդոց յաւիտենական բարեաց վերայ հոգում, և այս մտորուած ճանապարհի մէջ մեզ առաջնորդ տուեց իւր լուսաւորութիւնը, որ բոլոր բարութեանց պատճառն է, ինչպէս որ չարութեանց պատճառն էլ տգիտութիւնն է: Լուսաւորութիւնը, որ ճշմարիտ և արդար բաները խաբեբայ և վատ բաներից որոշելով, նորանց օգտակար և պետքական լինելն է ցոյց տալիս մեզ: Ըստ որում լուսաւորութիւնը տալիս է մեզ առողջ դատողութիւն և

սահման է դնում մեր անհաստատ կամքին: Այս պայծառ և մաքուր իմանալի լուսոյ միջնորդութիւնով մարդս ղիմում է դէպի արդարութիւն. յետոյ հասկանում է որ օգտակար է օրէնքին հնազանդելը. և օրինաց հնազանդելը առաքինութիւն է. վասն զի նա արգելում է միանգամայն ոչ միայն մարդուն անիրաւութիւն չանել, այլ մարդս պիտի լինի աշխատասէր, բաւականացող և համբերող, որովհետեւ իմաստունը իւր պայծառ լուսով ցոյց է տալիս, որ պարապորդութիւնը, շուայութիւն և զեղխութիւնը տգիտութեան պատուհներ են որոնք մարդուն զբլում են առողջութիւնից, և խօստանում է մարդուն պատուի և կայքի անսպասովութիւն: Բայց՝ երբ որ մարդը իւր կեանքը իմաստութեան առաջնորդութիւնով առաքինութեան ճանապարհի օրէնքով կարգադրել է, այն ժամանակ նորա կեանքը միշտ լաւութիւնով է անց կենում:

Ուրեմն պիտի համոզուիք, որ ամեն առաքինութիւնները որոնք երջանկութեան պատճառ են, բարոյական գիտութիւն են, որն որ մարդուս մէջ կ'շատանան բարի մտածութիւնով: Հիմայ, մենք եթէ կամենանք մեր միտքը լուսաւորել, մեր դատողութիւնը ուղղել և մեր կամքը և սիրտը օրէնքին հնազանդեցնել, հարկաւոր է գիտութեան հետեւել և գիտութիւն ստանալու համար որա՞նք

պիտի ղիմենք, և որի՞ն պիտի ապաւինենք, եթէ ոչ դպրոցին և ուսուցիչներին: Մաքրուհի, քեզ որ դպրոցի անունը այդքան զզուեցնում է, ընդհակառակը ինձ շատ ուրախացնում է: Դասագրքի տողերը, որն որ քեզ դերութեան շղթաներ են թվում ինձ համար կարծես ոսկէ մանեակներ և անթառամ ծաղկէ պսակներ են: Նորա համար՝ որ, նորանց մէջ եղած բարի և օգտակար օրինակները, առաջնորդներ են մեր առաքինութեան և չարութիւնից ազատող միջոց: Ուրեմն, օրիորդ, դպրոցը կ'տայ մեզ իմաստութիւն և շնորհք, դպրոցը առաջնորդում է մեզ առաքինութեան ճանապարհով մանգալ և հանգիստ ապրել և այն միայն վայելել մինչև յաւիտեան: Իսկ ձեր յիշած ուրախութիւնները և զուարճութիւնները, որոնք սիրտդ և միտքդ զրաւել են դժբա ունայնութիւններ և մարդուս կենաց մէջ պատահող վտանգներ են և կորստեան որոգայթներ, որոնք տգիտութիւնից առաջ զալով, մարդուն բարեմասնութիւնից ստիպում են զրկել: Այո՛, քեզ ևս կ'զրկեն բոլոր բարեմասնութիւնից, առաքինութիւնից և կ'զրկեն քեզ երջանկութիւնից: Եթէ որ ձեր գաղափարը չ'իփոխէք և իմաստութեան չ'ապաւինէք: Ամենքը խնդրում ենք, ձեր քաղցր ձայնով մի երգ երգել: Երբ որ պարտաւորում էք կ'երգեմ: (Սրուեստակը քաղցր եղանակաւ երգում է):

Հայաստանի տխուր դաշտեր,
 Հայաստանի տրտում սարեր.
 Քանի յիշեմ ձեր սև օրեր.
 Անլուր, սուր խոցին սրտիս թոքեր:

Ա՛յ սև դաշտեր, մութ դաշտեր
 Վայ սև սարեր, մութ սարեր:

Հայաստանի ձորեր, ժայռեր
 Հայաստանի վանքեր, բերդեր.
 Սրտիս կազդեն հազար ցաւեր
 Հոգիս թափեն, բիւր, բիւր վշտեր: Ա՛յ

Հայաստանի ձեմարաններ,
 Հայաստանի մեծ պալատներ.
 Կսկծաբեր կան ի յաւեր,
 Հայաստանի դեղեր, քաղաքներ: Ա՛յ

Հայաստանի մարգեր, դաշտեր,
 Հայաստանի քաղցր հովիտներ.
 Այլ չեն շնչեր անոյշ հովեր,
 Այլ չեն բուրեր քնքոյշ ծաղիկներ: Ա՛յ

Հայաստանի համեստ հարսներ,
 Հայաստանի օրհորդներ,

Մերկայել են իրանց զարդեր,
 Սև են հագել և թուշուններ: Ա՛յ

Հայաստանի թռչնոց ձագեր,
 Կորուսել են իրենց բոյներ.
 Հայաստանի տղայք, աղջիկներ,
 «Հայր, Մայր» կանչեն զօր ու զիշեր: Ա՛յ

Հայաստանի ոչխարք, գառներ,
 Յիր, ցան ընկել են սար, ձորեր.
 Հայաստանի խեղճ հովիւներ,
 Կորուցել են իրանց հոտեր: Ա՛յ

Հայաստանի նախարարներ,
 Հայաստանի քաջ մուսաններ.
 Հայաստանեայց յաշխարհն աւեր,
 Թող նստին լան, ո՛հ ցաւաբեր: Ա՛յ

Հայաստանի վեհ կորիչներ,
 Հայաստանի զիւցազուներ.
 Գերեզմանաց լին խորեր,
 Մեր աղաղակն ողբն ու վայեր: Ա՛յ

Ողբան Հայրեր, ողբան Մայրեր,
 Թող ողբան քորք ու եղայրներ:

Եւ թող կանչեն, այս ինչ ցաւեր,
Տիրեցին մեզ յաշխարհ աւեր: Ա՛յ

Հայաստանի շատ են վերքեր,
Շատ են նորա կրած վշտեր.
Հայաստանի աւետարեր,
Աղաւնին արդ է գութարեր: Ա՛յ

Իսկ, ես արտում, տխուր նստեր,
Ո՛հ, Ախուրեան զեառյն յեզեր.
Քիչեմ, հեծեմ, ցողին աչեր . . . ,
Ո՛հ, սէր են իմ փառաց օրեր: Ա՛յ

Ո՛ւր են իմ վեհ Մասեաց սարեր,
Արարատայ ծաղկած դաշտեր.
Փառաց օրեր, ազատ օրեր,
Հեծեցին և ալիքներ: Ա՛յ


Ո՛հ, չգիտեմ թէ այս պատահմամբ երգուած
երգին ո՞ր մասը կամ յատկութիւնը գովեմ որ մի-
անգամայն մեծ արժանաւորութիւն ունի, սորա
քաղցր եղանակը թէ գեղեցիկ իմաստը և թէ Հա-
յաստանի հին յիշատակները: Սա մի Հայ զիւղա-
կան ազգասէր օրիորդի երգած է, որն որ յայտնի
փայլում է բարեյիշատակ հեղինակի հոգւոյ վե-
հութիւնն և հայրենասիրութիւնը, ճշմարտան ա-

ստծ, լսողի սիրաը ազգասիրութեան եռանդով վա-
ռում է, և դէպի երկինքն է վերացնում մարդուն.
Նորա ազգասիրութեան հոգին, իմ սրտիս մէջ խո-
րը տպաւորուեց: Արական սեռի սրտերում քաջու-
թեան հոգի է ներշնչում, և իգական սեռի սրտե-
րում, հայրենասիրութեան և առաջադիմութեան
է խրախուսում: Օրիորդ՛, դպրոց գնալու օգտակա-
րութեան վերայ այսքան խօսելուց յետոյ, էլ չեմ
կարծում, որ չհամոզուիք և չհաւանիք ուսման
հարկաւորութիւնը և չսիրէք դպրոցը:

Մտորո՞ւի. — Արդէն թէ ձեր համոզիչ խօս-
քերից, թէ դիպուածով երգուած երգի ազդե-
ցաւ թիւնից, սիրաս լքցուած, դպրոց շարունակելու
և ուսանելու եռանդ եմ զգում սրտումս, ուրեմն
շնորհակալ եմ և միանգամայն շնորհապարտ,
թէ ձեր եռանդուն և իմաստուն խօսակցու-
թեան մասին, և թէ Աստղեկի այցելութեան, որ
իմ այսուհետեւ դէպի առաքինութիւն ղիմելուս
պատճառ եղաք:

— ԵՄԵՆ —

Երես	Գրք	Սխալ	Ուղղ
1.	1	Փառանձեմ	Փառանձեմ
7.	2	Գժբաղդարար	Գժբաղդարար
9.	2	Հանրասիրութիւնով	Նանրասիրութիւնով
26.	25	Հետազօտեցէք	Հետազօտեցիք
29.	24	պիտքական	պէտքական
30.	9	իմաստունը	իմաստու թիւնը



Հանրահայտ
1392

<< Ազգային գրադարան



NL0257021

<< Ազգային գրադարան



NL0257020

